

qui minus sapiunt, aut imprudenter agunt. Qualis erat Nabal. 1. Sam. XXV, 25. *Nomen ejus erat Nabal, & penes eum stultitia.* De qua juventute Paulus 1. Cor. XIV, 20. scite scribit: *Fratres, ne estote pueri (aut juvenes) prudentia, sed malitia infantes, prudentia vero adulti estote.* Similiter de hac re loquitur Eph. IV, 13. 14. *Donec perveniamus nos omnes in unitatem fidei & agnitionis filii Dei, in virum adultum, ad mensuram plenae staturae Christi: Ut non simus amplius pueri (juvenes) qui fluctuemus & circumferamur quovis vento doctrinae, in hominum alea per veteratoriam ad artificiose fallendum versutiam.* Unde Salomo de pueris aut juvenibus loquens, eos ut imprudentes sistit, ideoque eosdem docet, *ad dandum fatuis astutiam, puero scientiam & solertiam,* quo puer & juvenis caret. Prov. I, 4. Unde etiam Esaias III, 4. *sagacitatem senibus tribuit.* Et quemadmodum *pueri centum annorum dantur;* Es. LXV, 20. ita non raro juvenes quoque tot annorum reperiuntur. *Stultorum enim plena sunt omnia.* Verum hujus generis juventutem Apostolus nequaquam intelligit, sed potius priorem. Erat enim Timotheus

sup

motheus